



第一二〇五册

四庫全書

● 上海古籍出版社

本冊目次

後集	梅花字字香前集	雲林集	知非堂稿	艮齋詩集	別年集	定字集	附錄	續軒渠集	弁山小隱吟錄
----	---------	-----	------	------	-----	-----	----	------	--------

元郭豫亨撰……六六七	元貫奎撰……五九五	明貫元禮編……五九五	元何中撰……五二三	元侯克中撰……四五—	元陳樸撰……一五一	元洪希文撰……五七	元洪巖虎撰……五七	元黃玠撰……一
------------	-----------	------------	-----------	------------	-----------	-----------	-----------	---------

欽定四庫全書

集部

升山小隱吟錄卷一

欽定四庫全書

集部五

升山小隱吟錄

別集類四元

提要

臣等謹案升山小隱吟錄二卷元黃玠撰玠

字伯成慈谿人流寓升山故以名集其詩不

為近體高者有元結遺意次者近乎白居易

但不及二人之宏濶深厚耳中多勸戒之辭

蓋亦剛方嫉俗者前有自序稱蔑有令德不

欽定四庫全書

升山小隱吟錄

敢謂隱獨以所得於天者薄故將退藏以終

其身又言文中之言稱願上之人正身修德

使時和歲豐已受其賜尤粹然有德之言勝

矯語高蹈者遠矣乾隆四十二年五月恭校

上

覆校官中書臣呂雲棟

校對官中書臣范來宗

臚錄監生臣龔果

詳校官中書臣孫衡

侍讀臣孫球覆勘

總校官臣陸費輝

總纂官臣紀昀臣陸錫熊臣孫士毅

弁山小隱吟錄原序

黃氏之先宋祥符中自溫之樂清徙明之慈溪

開先

生以來世篤儒業曾大父臨川府君建節鄉部始來城居官成而家益貧三子先大父最長至元丙子家燬於兵厥後子孫挈而西來叔氏依婦家於越其在鄉里守墳墓唯仲氏而已自余之西四十有餘載教授諸生以資共養駸種種且白來日其幾餘哉又如是不止行將焉歸蔑有令德不敢謂隱獨以所得於天者薄不能顯

欽定四庫全書

弁山小隱吟錄
原序

一

故將退藏以終其身雪水之陽弁山之下有丘岑蔚惡構數楹以寄朝夕浮游江海間不能自還或靳之曰桑簾作繭猶知纏累其身子漫不為計空言何裨應之曰余游者也某水某丘游之寓也苟寓矣又何營之有秦望東南遠欲無依稀禹穴向姚虞幾時把酒鄞江上却對鄉山看此圖是余所題江山歸興圖詩也嘗求之則隱之意可見矣昔文中子志不願仕唯願上之人正身修德使時和歲豐已受其賜余雖不及古人苟獲所志

泉石林壑之娛風雲月露之賞不必弁山也夫歸必有資既不能自資資於人而歸又余之所不能情發於中而形於言目之曰弁山小隱吟錄錄以畀吾兒私藏之於以紀吾游之寓而鄉土親戚之思亦可見也至正乙酉冬十二月甲子弁山隱氏黃玠序

欽定四庫全書

弁山小隱吟錄
原序

二

欽定四庫全書

弁山小隱吟錄卷一

元 黃玠 撰

右體五言

擬古

龍馬負靈圖，卦開人文天運當。寅中民時方大制，字乃未多所，言為典墳。二往數千載懷哉聖神君。

翳林無陽土暗谷，多下泉登山履衆險。險盡見杪顛人居，物物中物物能蔽天。將身出物表，萬象始昭然。

欽定四庫全書

弁山小隱吟錄

一 一氣成歲功孰為，四分之逆使春木榮。不知秋葉萎天道自有初，物命亦有司。任運得吾性，無為無不為。

天高九萬里，疾若弩矢馳。白日猶在下，況爾衆物為翹羽。刷俊彩強欲凌空飛，去人若不遠。但使見者疑。

感懷

積陰不可掃，積德不可道。君子所可道，小人以為勦。世事終渺茫，物情慢衰老。歸來日未昃，自去庭中草。

仙人大還丹，可用更凡胎。舉世不謂然，逝矣誰能哀。萬

事唯有醉奴子，抱琴來十倍。李供奉一飲三千杯，

矩步恒彳亍捷走能千迴。感彼元髮化聊復少銜杯，陰

草夏即苑陽花冬亦開。天序自有定不是偶然來，

有酒可用醕無酒我當酤。天運歲益差人事日不如羽

蟲何多言木葉已無數。淒其衆草晚樂與佳菊遇，

物盡宜有極造物難為工。我將剔除之刺芒鉅若鋒小

枝食已盡大枝旋復空。蟲多飽即死花落為枯叢，

盆中梅樹子為爾可憐生。寒泥不五斗勿與大塊爭移

欽定四庫全書

弁山小隱吟錄

二 置池水頭照影池上，和嚼花蒸天地無餘清。

娼鳥不可馴娼女不可親。野性自難定豈知愛其身，千

金買少妾屬託在他人。譬如道旁花竟是為誰春，

驚馬少良駒淑媛多令子。大易重咸恒闢明謹始橘

樹生南州渡江即為枳。地氣使之然如何論天理，

江左言風流王謝為稱首。讖既坐姦回澹亦虧節守清

談本廢事何物非芻狗。不忍書義熙侃獨有佳後，

子雲投閣生綠珠。陸樓死事主心弗移不若一婢子哀

哀莽大夫千古穢青史草元數萬言烏用識奇字

燔肉既不至孔子輒去魯禮酒復不設穆生亦辭楚古
人道義交政在慎出處寥哉聖賢心夫豈鋪啜故

花開君勿折花謝君勿掃掃花傷花心折花畏花嫩但
令尊有酒中懷得傾倒從花自開謝開好謝復好

上客有馮驩故吏有任安二子久已死益見交道難軟
語相媚悅顛倒若轉九執云是可忍怒髮為衝冠

南州辨髮兒相從事祇樂陳遵好尺牘暇日聊口占悠

欽定四庫全書

舟山小隱吟錄

三

悠歷歲年寒暑若病疴道德負初心誰獨受鍼砭

客有千金兒過我十尺舍狹隘不可留飛九出彈射腰
下雕玉螭粹好絕羣躋信美非所珍聊足以相詫

朱絃有遺音琅然動清汜自喜若弗勝入耳何淅淅君

子道吾常咤俗多雜儂但念賞人稀不知聽者厭

白日何蒼蒼人中有梟獍醜毒不可懷猶將恣酣營司

命主督蔡雷公布天令慎爾恐自戕微我相詬病

儒有席上珍把玩足無厭梅花雖苦寒其中自清曉富

貴如燎毛炙手方炎炎貪戀之謂何仰天一長火

昂然三尺松種之五斗益俯身就散石毛髮如鬼狀雖
蒙華屋居故性終木強誰當宣其鬱使彼得疎暢

久客念還家還家復如客行李未及安期日相促迫勿
勿問衣襟草草篋書冊終歲恒若斯幾何頭不白

題吳季良東明軒

朝日出暘谷照我軒東榮煌煌天光發湛湛旦氣清定
志息喧雜澄心養虛靈八憲啓局鑰萬象生光明

欽定四庫全書

舟山小隱吟錄

四

賦顧梅西煮雪

搖竹取殘雪松聲動寒吹金懷少餘歡石鼎作雅事極
清超水品至淡出天味行過梅花西喚起幽人睡

采蓮女

川日出已高江霏散如霧但聞采蓮曲不知采蓮處雙
雙相思鳥飛上相思樹幽人空爾懷欲往畏多露

寄胡伯衡兼呈叔父元理元美

憶昔少年日慷慨賦遠遊晨起攬白須始知天地秋寒

雲去鴈斷落木窮猿愁親故各異方誰當慰淹留此邦
非吾土悵望登茲樓長歌動幽憤汗漫不可收

陽鳥尚謀食候蟲猶念衣口體見驅迫使我遠別離歷
歷路半千迢迢江兩涯悠悠去鄉邑往往見繁縻年衰
酒況惡引飲不滿卮形影相慨惜恐為時所悲弁山非
故山愴然寄幽期餘生苟未隕猶及爾東歸

題章德懋蘭

竹樹何鬱蒼蔥蘭自奇芬水墨寫清影猶疑見湘原欲

欽定四庫全書

弁山小隱吟錄

五

持一卮酒酌此千歲寬但恐醉中意難與醒者言

賦傅伯玉來青軒

兩山送青來與人終日閒爽氣逼眉宇不似在塵間仰

觀天中雲擾擾去不還始知靜者佳取琴當戶彈

南堂偶成似衛明間先生

倚闌看池水池水清若空煙沉樹色底日行雲影中翔

羽啼薄霧游絲汎光風躍魚自幽潛豈望能為龍才劣

不任官力弱不任農清世有華民我辰非不逢

賦陸子敬舊時月色亭

古月即已舊今月乃更新解后見顏色梅花如故人挽
披簷下枝掛我頭上巾摘花不挿髮踏月走千巡橫笛
且勿吹良夜亦易晨恒恐明日至使我跡復陳願因白
兔公託根雪輪結子近瓊樓水與桂樹親

月下獨酌似謝李初叔兄弟

風休露欲下雲過月如走一尊良夜初萬事中年後大
白真仙人俗客匪其偶孤斟不成歡引影作三友我今

欽定四庫全書

弁山小隱吟錄

六

笑問影頗亦解事否既能隨我身胡不開爾口傾杯月
入懷停杯月在手此月豈真月不飲復何有

寄衍上人索畫蘭

薄言采蘭鵲蘭葉

闕

人遠僻處荒山原崇

炫非素心澹泊性所存亦同桃李春不同桃李繁

衆芳非不佳蔥蒨尤楚楚亦荷雨露私如何在榛莽庶

將展微勞攬置羣玉府時我方未遑臨風獨延佇

漁子蕩兩槳來從湘水濱手抱青蘭枝言報山中春問

我日日醉恐貽楚叟嗔獨醒不在酒舉手謝野人

日出躋北林日入下西澁幽芳隔遠水水寒不可厲歸來看畫圖瀟灑美風製萬事何必真聊與爾同世

遊幻住菴留贈月千江上人

出郭動柔櫓春花始班班俯舷照清流正見衰病顏形影自相笑浮沉人兩間胡能即有定波蕩不得閒
村雨農事殷溪晴客衣暖佳人同緣舟沿洄繞芳甸吳蠶近三眠魯桑連百畝相將采白蘋日與春俱晚

欽定四庫全書

舟山小隱吟錄

七

既雨天復佳鳴鳥聲故故前溪春已深勸我脫布袴刺篙亂清漣艇子入浦淑我袴不用脫汝自顧汝婦
維時桃始華野眺欣有睹沿洄度桑隰遙見穀上山
虛龍出雲谷暖鳥鳴雨來耨良足勤力薄奈何汝

謝長源為余言燕子事有感

舊雌有衆雛新雌來殺之蒺藜刺中腸並死無一遺持
簞逐鳩鳥惡土汙人衣彼雄誠不才怨心當語誰詳覽
令我懼及壽令我思物態尚如是世情良足悲

慎勿買良田

慎勿買良田良田有豺虎豺虎不汝食官司推剥汝公
廩多急輸里正遭簞楚肉盡即見骨家破無死所茹葷
何必辛茹茶何必苦傷哉浙水民因此一犁土

與戴彥季張和倫游南山玲瓏洞

放舟出清茗鳴榔聲了牙歷歷覽勝絕行行入幽遐玲
瓏洞穴古疑有仙人家清風石上起吹老良薑花

與韓介石閑人梅磻遊黃龍洞

龍君所幽潛嵌空若笄井投石風轉雷股栗怯深迴僅
如拳捷走嘯呼已絕頂升高只自危聊復罷吾興

欽定四庫全書

舟山小隱吟錄

八

次韻孫允實言詩

佳詩如飲泉一寒乃清真妙趣欲無我寧復有襲因學
之三十年同光猶隙塵擾擾共高下未足輕衆人多忤
言可忘薄奉氣乃醇羲黃復何心適當天地春

與梁邦彥對雪飲酒禁體

五精闡嘉瑞一白徧林藪飄洒集衆妙點綴出羣有覆

藏失垢汙推壓見節守歲華乃爾清夜色不得黥僮奴
振醉歸跡足沒已厚人生幾兩屐素髮一搔首

移舟

移舟發江夕遠浦入雙樹蛙竈動煙火野宿在中露波
月光鱗鱗川霏雜輕霧濯手亂繁星水禽忽飛去

素菴旅次

積雨斂溽氛光風開日華先生澹懷士結屋如蘭闌庭
下昌歆根門前射干花

闕

香聞煮茶

欽定四庫全書

舟山小隱吟錄
卷一

九

似海雲使君

佳雲滿遂菜常具五彩色溟溟一氣浮空濛萬川積合
散自有時變化忽無跡念彼霖雨功宜使蛟龍得

示男曾

昔別甬上居薄遊吳中郡恥從俗子言恐失名家韻生
兒似阿堆頗亦存軌訓常疑習氣遷思與學宮近

當湖早行

離離海氣分晶晶晨先發舟楫遠相呼川途正紆折翕

目聊假寐涼颼動毛髮客路繞天涯人家在林樾

題畫山水似盛子昭

冉冉山上雲累累水中石稍稍林莽高點點崖谷黑東
岡特秀絕拔地起千尺突兀衆峯間猶是太古色

連山根挿江江碧石齒齒層巒高出雲老樹下壓水巖
扉俯深迥磴道陟紆委欲持一壺酒慰彼幽棲子

前山如立稍後山如倚較遠近千萬山斗絕入牛角巖
頭積磊砢石面闢碣确是中無征徭民俗猶愿覓

欽定四庫全書

舟山小隱吟錄
卷一

十

回峯危欲墮峭徑深可入縈紆度壁隴杳窈去井邑泉
懸淨練明崖擁積鐵澀緬懷貞白君相從負雲笈

題商山圖

美宦少寧居良田多賦率曼膚白如瓠仍防汙銕鎖所
以商山翁深逃入堂密蔽蒂皆美樞不覩長安日揚揚
大逢衣翦翦小第室門巷既荒寒器具猶古質渴即引
井泉饑或餐木實微我異臯鸞從人自鳬乙平生紫芝
曲久不屈此膝鬚眉各皓然一為天下出

自贊并贈寫真陳伯玉

有形本皆幻聊與影相從於茲未能忘更欲求其同我
神夫豈遠故在阿堵中靈景合內外逍遙方未終

張伯壽煮石窩清坐

客主心兩忘清坐對荒寂吹火出青藜拾薪煮白石倚
闌荷氣涼移床竹陰夕素髮共飄蕭風期似疇昔

黃一峯莫莫齋

莫莫重莫莫車輪生四角歧路滿天涯歸人已林壑若

欽定四庫全書

舟山小隱吟錄
卷一

華能照夜莫草知合朔物有秀而靈唯吾貴淳朴

寒夜

寥寥遙夜清霍霍流景急餘生若斷緒莽糺不可緝屋
高寒影孤窻虛雨聲集僮奴懶欲休獨背殘燈立

稱大人壽

大人心坦坦大人貌雍雍凡此故宜壽始是八十翁左
雄多後福卓茂本寬中遂當享耄期妙顏若芙蓉

曹繼善安雅齋

山行常蹇蹇水行夷且宛輕舟逐流水晨色猶漫漶雅
道樂安恬幽人有園館竹素紛委積軒楹颯閑遠微官
厭卑溥餘日甘冗散衣食餘饒管蔴與蒲雅生兒似
江草辭氣尤愿款清吟楷法書作字特逾婉嘒彼雲海
禽毛羽何豐滿去去迷所休恒憂百年短

聽劉希孟琴

公子青藜客寄懷在茲琴歌吟雜操弄將老嗜益深惜
惜古大雅如玉復如金下指舒以徐三數有遺音虛堂

欽定四庫全書

舟山小隱吟錄
卷一

初夜涼相為洗煩心小甕酒可得與君留月斟

答韓廷玉問詩

學詩自有律才流必經通詠歌成文章譬若水與風茫
茫汎雲日袞袞吹魚龍觸激從所遇萬變何可同恬淡
有餘韻奇崛難為工恒存言外意趣味斯無窮

竹亭用本韻

繞雷竹萬挺晝日起暝色允矣幽人貞懷哉君子德淡
食度清朝微吟答佳夕遺我青琅玕報之雙水碧

題韓介石所藏盛子昭畫

隆隆大谷深挺挺嘉木秀崇岡折陰壑懸水落長雷槎
牙松顛迴側塞石角闢來者豈阮生尚爾冠服舊清嘯
滿空山高人在危構胡不從之居分瓢飲雲甕

章俊甫水心亭

羽客惡塗趨鮫人樂水居亭子在中沚清漪涵四除隔
花聞好鳥俯闌見游魚悠悠川上意雅詠時相娛

與連市巡檢楊德新

欽定四庫全書

舟山小隱吟錄

十三

鮭觚徒有角用驚不如鸛麒麟宜無趾走險不如猎看
君好眉宇蘭臺瑩而博子雲識奇字安能効巡捉盜律
如牛毛民風日偷薄彎弓欲誰擬聊復動鳴櫓連疎榆柳
村水深荏蒲澤代者久不來淹留竟何樂

重來吳興有懷松雪齋

采芳須得蘭新堅須得檀懷哉古君子感此歲欲單青
山如黠輪逶迤起林巒文章有正氣一何鬱盤盤雲來
松雪春雲去松雪寒藻翰雖不絕門樾今稀殘尚思燈

火夕舛謠見砭彈厚意何以報抱志空長嘆

贈鹽士葉古齋

昔者帝軒轅駕言師赤松相教服水玉問道崆峒宮文
字盡科斗故是開天功顧謂鬼臾區妙契將無同靈樞
發與昔元氣春融融山川入攬挹草木臭味通懸壺隱
東市愧爾賣藥翁上下數千載猶在一日中

聽周子固琴

周郎妙音解瞻子先射人山水有雅曲徽音得其真神

欽定四庫全書

舟山小隱吟錄

古

閒應接暇氣和節調勻魚鳥亦飛躍雲風忽輪囷令我
不能去永懷願相親

擬送張子長赴史館

陳志稱穢史漢緒遂中絕不如誦杜詩忠槩何憤切我
將操玉斧騰飛入明月斷彼白兔毫製為董狐筆送子
萬里行聊用資作述大義或有乖慎爾寧勿勿

邵復孺映雪齋

邵子書有癖一寒四窓靜舉手倒執經夜映雪色冷側

晚生墨光天地無遺景希功厚積餘思與古人並

俞子昭山月軒

山月出未高爛如大銀槃及其當天中小於冰一丸我將問鬱儀青冥風露寒遠近且莫解況爾闕與搏茲軒特可喜倚闌終日看常疑猛虎嘯驚起女乘鸞

大雪有懷北中親友

南州三日雪墮地為堅水念我骨肉親東書向幽并馬寒車折軸歲晚不得寧仰觀浮雲馳緬馬寄深情

欽定四庫全書

升山小隱中解

雪壑海雲使君所自號也

雲來雪壑陰雲去雪壑明未見雪壑面已聞雪壑名豈謂衆皆濁常使我獨清

雲去雪壑明雲來雪壑陰不從雪壑游不知雪壑心家世本鐘鼎志願在山林

農舍

農舍如雞栖稚子煦簷隙陂田不作壟野水深及壁樹老夕照黃草枯寒煙白魚眾設處處民有食菜色

題郭天錫雲山圖

翹翹山有木翳翳林有谷雨氣作深雲新陰如膏沐夫豈無居人誅茅結溪屋幽栖不出戶野塘春水綠

張子英閑止齋

築室依甘泉蘭若滿中沚采掇子為誰雜珮玉榮榮擬步即市門行行且已西山有爽氣朝來眉睫裏塵土一振衣城郭清風起餘習久未忘篇帙故紛委方床十尺舍亦有烏皮几彈琴碧雲合飲酒白日靡時盡朋簪森然會羣理領悟不必多凡百苟今是潛也何人斯良猶慕之耳既醉旋復醒逍遙爾閑止

欽定四庫全書

升山小隱中解

聞人梅磻壘室

壘室生白光方廣逾一丈真元不受采太素寧有象端居靜衆念納氣入晃朗脩脩塵尾拂濟濟鶴羽翬高燈石月懸濃熏暖雲上深雪擁梅花思致足寫傲

連市有雙桂廟里父老云嵇司徒女墮并死樹有靈怪人家喜慶歌樂之事必祭之如喜神云

廟前雙桂樹柯葉恒翦翦不知何王世司徒嵇氏塚女
郎井中死靈恠相噴恐自謂得水仙誰當覺羣憎

題李紫實墨本竹枝

鄭谷愛吟詩夜聞巖竹折至今石上影猶帶山中雪刻
彫妙入神餘情寄一永懷貞白君終身惟素節

月食

彼月有食之死魄無遺光至陰自肅肅豈曰敢亢陽天
中有闇虛無乃俄相奄奄忽就滅沒見者為憐傷幾欲

欽定四庫全書

升山小隱吟錄

十一

張威弧舉矢射天狼恐非聖人意佇立但徊徨

贈禱早彭生黃仲珍家僮也

早魃忍為虐祠龍拜靈星踉蹌作禹步符攝有依憑神
官與鬼吏霍霍見使令雷從儿上起雲逐劒口生一雨
滂若注多稼勃已興自彼元氣神惠答如響應

題呂德常所藏雲西雪山小景

前岡嶄如削後巘旋若顧溪寒嶢嶢晚雪沒剡中路將
無乘與人過彼幽棲處應待月華生却棹扁舟去

水枕

水枕歌獨眠涼波蕩柔櫓仰觀天宇高默默心自語清
雲不蔽日濁雲乃多雨造物本無為一氣異消聚

華亭教諭張伯元歸錢塘

惻惻重惻惻舟舵動行色歲晚念尊親華亭有歸客琴
清孤月白酒盡衆山碧樓閣倚高寒江空帆影側

次韻曹教諭見寄

涼風發秋夕落木振疎陰相思在咫尺兩契同一心薇

欽定四庫全書

升山小隱吟錄

十二

弦不下指寧我有遺音梧桐生下澤幾時成鳳林
蹠蹠雙遠遊獨繞庭中樹與世欲並臧行行迷所遇有
客吹洞簫如泣亦如訴花月滿良宵如何此虛度

僮奴山中歸

僮奴山中歸為言山上松昔日搖鼠尾于今如緝龍結
根依崇阿秀色排霜風可待生茯苓持以壽吾翁

石塘觀魚似謝伯昭伯禮

嘈嘈冰戛川濺濺魚在罾潛逃欲無所漁罟來闖闖鱗

髻見憂迫首尾相藉枕後窮不擇木鹿死不擇音爾魚自有神胡不游廣深

五仄體思衛立禮作

我友衛伯子履道坦若砥瞪目視薄俗足不涉市里客至設雅飲屢屢不可已重爾意愛篤使我獨仰止夢寐若有覩寤數隔遠水落月照屋栢睥面玉色起

次韻章俊甫訓子

前朝名宦孫承家以清白五縑玉有光百鍊金出色升

欽定四庫全書

升山小隱吟錄

十一

堂奉慈親甘芳極娛適推歡及同氣兄弟仍翕翕平生子孫念況肯勤戒飭叔郎炯雙瞻器量斗可食伯郎作大字日費三斗墨怒罵靜不聞舉步垂軌則概種必厚收譬彼農力穡通才識細務至理明大率洪鑪萬石鍾重自銖兩積衆口所稱歎天心為忻憚每憐機巧徒何殊沐猴棘較智三十里百失希一得晤言籬下英留芳待秋夕晚節將益佳于公有陰德

王官谷聽泉

援琴俯寒泉琅然動幽聽寫彼石上流寄此山中興叮嚀喧雜空潺湲清響應翻將羽衣曲更作龜茲詠

與趙都事初心

白日照素商朱草合秋朔參旗久未起舉頭見晨角南中有佳士風度甚高邈願生雙羽翰旦莫往數數

與衍上人道原

樹本連百圍蘿蔓絲成結迴川綠崇構欒櫨隱深樾滿駛泉響急徑險石色滑可容許詢輩清心共禪悅

欽定四庫全書

升山小隱吟錄

十一

陳益之壺中

仙翁不知年一壺懸太空晨朝出賣藥日夕入其中雖與市人處不與市人同時有采芝客來自蓬山宮

琴士王彥輔

八音各殊器可貴在絲屬弦歌皆雅調清廟特於穆斯人久已逝唱詠不可續似聞漢中葉猶傳鹿鳴曲舊譜今盡非虛聲以相逐琵琶馬上啼瑩篴水中哭弛張異所宜弦高哀響促庶子一洗之高彈繼遺躅

吳中湯孟實余聞之行師道原同居七世矣能率正其家人庭無間言室無私藏諸舍少有不律輒晨起盛服至其寢門引咎自責必改而後止天子賜復以表孝義之門館閣名臣皆為詩歌美之余雖未見君子中心藏之矣遂為之詩所謂不必寄元也

麋鹿尚羣聚鸛鴈自孤寒諸書湯氏事願使薄俗敦其人字君實其貌肅且溫推孝達本始同居及諸孫聚食

欽定四庫全書

卷一 香山小隱吟錄

三

近千指何曾異一門弟兄盡廉士娣姒多淑媛室中無私藏堂上絕忤言賣藥隱東市共知齒德尊佳氣日充閭五雲鬱屯屯九天降雨露自葉將流根賜復以終世舉家蒙厚恩

陳允齋樓居扁曰可以

大樓高百尺青紅半空起小樓二丈餘適事亦可以時節會親嫺伏臘供祭祀左方治杼柚前列考圖史覽觀雲水寬玩悅風日美玲瓏豁四窻吾心正如此

陶與權南園別業

瓊田無惡土玉樹多好枝鼎角匿犀者自是名家兒應門有暇日頗作佳園池朝臨二王書暮吟三謝詩花邊迎小車竹下理殘碁賓至可命觴親在志無違

陶氏子竹居

幽居少隣並野竹遠舍生秀色染篇帙疎陰洒簷楹物亦有奇節人將垂令名須裁十二律吹作鳳凰鳴

與韓仲實九日登涵山有懷韓伯清

欽定四庫全書

卷一 香山小隱吟錄

三

涼氣薄莫商時菊委多露茲辰足相娛舟楫旋且具往日豈復來新人已如故百年幾兩展更踏涵山去穿空上危級身高鳥飛處江天入遐眺暝色起煙樹始昏見橫參歲與秋俱暮君子殊未來役車在中路

無雲而雪時在謝氏

白日天無雲雪花明昘僮子走相詫箇箇瑤花文餓人尚糠覈寒士方繼膺豐年望先兆無乃為妖氛欲持一書札問彼玄精君中情自激切神聽遠不聞